


შპს „საქართველოს აეროპორტების გაერთიანება“



გამარტივებული ელექტრონული ტენდერის დოკუმენტაცია

საპროექტო მომსახურების - (CPV- 71320000)
სახელმწიფო შესყიდვის შესახებ

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 121 მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე

ქ. თბილისი
2015 წელი

სარჩევი

- ტექნიკური დოკუმენტაცია
- სახელმწიფო შესყიდვის შესახებ ხელშეკრულების პროექტი
- დანართი №1 რეკვიზიტები
- დანართი №2 ფასების ცხრილი

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

ტექნიკური დოკუმენტაცია

1. პრეტენდენტის მიერ სისტემაში უნდა აიტვირთოს შემდეგი სახის დოკუმენტები:

- 1.1. პრეტენდენტის რეკვიზიტები - დანართი №1 -ის მოთხოვნათა გათვალისწინებით;
- 1.2. სატენდერო წინადადების ფასი (რომელიც უნდა მოიცავდეს ამ ტენდერით გათვალისწინებულ სამუშაოსთან დაკავშირებულ ყველა ხარჯსა და კანონმდებლობით გათვალისწინებულ გადასახადებს დღგ-ს გარეშე) დანართი N2-ის მიხედვით (საპროექტო ზედამხედველობის საფასური არ უნდა იყოს მთლიანი ფასის 20%-ზე ნაკლები);
- 1.3. ინფორმაცია მოძრავ კონსტრუქციებზე განხორციელებული საპროექტო მომსახურების სულ მცირე 3-წლიანი გამოცდილების შესახებ, კომპანიას განხორციელებული უნდა ჰქონდეს მინიმუმ სამი პროექტი, თითოეულის ღირებულება უნდა შეადგენდეს 30 000 ლარს ან მეტს. რასაც დაადასტურებს ხელშეკრულებისა და მიღება-ჩაბარების აქტის წარმოდგენით;
- 1.4. ინფორმაცია უშუალოდ შემსრულებელი პირის არანაკლებ 5 წლიანი გამოცდილების შესახებ, სტაჟის დამადასტურებელი დოკუმენტაციის წარმოდგენით;
- 1.5. სამი დამკვეთის მიერ გაცემული წერილობითი რეკომენდაცია;
- 1.6. ინფორმაცია საგარანტიო ვადებისა და პირობების შესახებ. წარმოსადგენ პროექტში გათვალისწინებული სამუშაოები უნდა იძლეოდეს ექსპლუატაციიდან არანაკლებ 10 წლიანი გარანტიის საშუალებლას კონსტრუქციებზე, ხოლო ელ. დრავებზე მინიმუმ 3 წლიან გარანტიას.

2. ანგარიშსწორების პირობები:

- 2.1. სატენდერო წინადადებაში საერთო ფასი გამოსახული უნდა იყოს მომსახურების განხორციელებასთან დაკავშირებული საქართველოს კანონმდებლობით გათვალისწინებული ყველა გადასახადის გათვალისწინებით, დღგ-ს გარეშე.
- 2.2. საბოლოო მიღება-ჩაბარების აქტის გაფორმებამდე მიმწოდებელი ორგანიზაცია ჩაატარებს განხორციელებული პროექტის ხარისხის თაობაზე შემოწმებას (ექსპერტიზა). დასკვნის შინაარსი გათვალისწინებული იქნება საბოლოო მიღება-ჩაბარების აქტის შედგენისა და საბოლოო ურთიერთანგარიშსწორების განსაზღვრისათვის.
- 2.3. ანგარიშსწორება მოხდება უნაღდო ანგარიშსწორებით ლარში, საპროექტო მომსახურების დასრულების შემდგომ გაფორმდება შუალედური მიღება-ჩაბარების აქტი სახელშეკრულებო თანხის არა უმეტეს 80%-ზე, ხოლო საბოლოო ანგარიშსწორება განხორციელდება მიმწოდებლის მიერ მშენებლობის პროცესის ზედამხედველობის გაწევის შემდგომ. მიმწოდებელი ვალდებულია მიაწოდოს შემსყიდველს თანმხლები დოკუმენტაცია.
- 2.4. ანგარიშსწორება მოხდება მიღება-ჩაბარების აქტის გაფორმების შემდგომ.
- 2.5. წინასწარი ანგარიშსწორება (ავანსი) არ გამოიყენება.

3. სამუშაოს განხორციელების ვადები და პირობები:

მომსახურების განხორციელების ვადაა ხელშეკრულების მოქმედების პერიოდში შემსყიდველის მოთხოვნიდან 15 (თხუთმეტი) დღე, პროექტის საექსპერტო შეფასების წარმოსადგენად დამატებით 10 (ათი) სამუშაო დღე.

4. ინფორმაცია ტენდერში მონაწილეთათვის

- 4.1. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 4.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი

ქართულ ენაზე.

4.3. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

4.4. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

4.5. სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით.

4.6. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

5. დამატებითი ინფორმაცია:

5.1. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი: ემა უზნაძე ტელ: (995 32) 248 73 38; ელ-ფოსტა: e.uznadze@airports.ge.

შენიშვნა: თუ ტენდერში ელექტრონული ვაჭრობის შედეგად ყველაზე დაბალი ფასის წარმომდგენი პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, პრეტენდენტმა ფასწარმოქმნის ადეკვატურობა და ხარჯთაღრიცხვის ხარისხთან შესაბამისობა შემსყიდველის მოთხოვნის საფუძველზე უნდა დაასაბუთოს დასკვნის წარმოდგენილობა გამოიწვევს ტენდერში მონაწილე პრეტენდენტის დისკვალიფიკაციას.

ტექნიკური დავალება

ქ. ქუთაისის დავით აღმაშენებლის სახელობის საერთაშორისო აეროპორტში 2 (ორი) ერთეული 70 მეტრიანი სიგანის და 2,5 მეტრი სიმაღლის ჭიშკრის მოწყობის საპროექტო მომსახურება

მომსახურების კონკრეტული აღწერა:

მომსახურება გულისხმობს ქუთაისის დავით აღმაშენებლის სახელობის საერთაშორისო აეროპორტის ტერიტორიაზე ელ ჭიშკრების მოწყობას. თითოეულ სამიმოსვლო ბილიკზე საჭიროა დამონტაჟდეს 70 მეტრი სიგანისა და 2.50 მეტრი სიმაღლის ელ. ჭიშკარი, რომელიც უნდა იყოს როგორც ელექტრო (ორი ცალი მართვის პულტით), ისე მექანიკური მართვის. ჭიშკრების თავზე უნდა დამაგრდეს მავთულხლართი.

აღნიშნულ ჭიშკრების დასამონტაჟებლად საჭიროა საპროექტო დოკუმენტაციის მომზადება.

პროექტი უნდა იქნეს წარმოდგენილი სრულყოფილი სახით, მათ შორის უნდა შეიცავდეს:

1. კონსტრუქციული ნაწილი (ნახაზები);
2. ელექტრო მომარაგების ნაწილი (ნახაზები);
3. წარმოდგენილი უნდა იქნას ჭიშკრების კონსტრუქციული და ვიზუალური მხარე, რომელიც მოწონებული უნდა იქნას შემსყიდველის მიერ.
4. პროექტის მომზადებისას გათვალისწინებული უნდა იქნას აეროპორტის ტერიტორიაზე არსებული კლიმატური პირობები ჭიშკრის კონსტრუქციის მდგრადობასთან მიმართებაში (ჩაიდოს პროექტში განმარტებითი ბარათი);
5. ხარჯთაღრიცხვა (ყველა კანონით დადგენილი გადასახადის ჩათვლით);
6. გამოსაყენებელი მასალების დეტალური აღწერა;
7. ტექნიკური დავალება;
8. პროექტი მორგებული უნდა იყოს იკაოს და აეროპორტების სერტიფიცირების ყველა სტანდარტზე.
9. სამუშაოების შესრულების კალენდარული გეგმა-გრაფიკი;
10. საექსპლოატაციო რეკომენდაციები და მითითებები.

შენიშვნა: შესყიდვის ობიექტში მოიაზრება როგორც პროექტი ასევე ზედამხედველობის მომსახურება.

პროექტირება უნდა განხორციელდეს შემსყიდველთან შეთანხმებით.

სახელმწიფო შესყიდვის შესახებ ხელშეკრულების პროექტი

ხელშეკრულების პირობები დაზუსტდება გაფორმების დროს

ერთის მხრივ შპს „საქართველოს აეროპორტების გაერთიანება“ (შემდგომში „შემსყიდველი“) წარმოდგენილი მისი დირექტორის _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს ქუთაისის დავით აღმაშენებლის სახელობის საერთაშორისო აეროპორტში თავდაცვის სამინისტროს ბაზისთვის ორი 70 მეტრიანი სიგანის და 2,5 მეტრი სიმაღლის ჭიშკრის მოწყობის საპროექტო სამუშაოები.

2. ხელშეკრულების ღირებულება

2.1. ხელშეკრულების ღირებულება შეადგენს _____ ლარს.

2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

3. შესყიდვის ობიექტის მიწოდების ვადები:

მომსახურების განხორციელების ვადაა ხელშეკრულების მოქმედების პერიოდში შემსყიდველის მოთხოვნიდან 15 (თხუთმეტი) დღე, პროექტის საექსპერტო შეფასების წარმოსადგენად დამატებით 10 (ათი) სამუშაო დღე.

4. შესყიდვის ობიექტის მიღება-ჩაბარების წესი

4.1. შემსყიდველსა და მომწოდებელს შორის უნდა გაფორმდეს მიღება-ჩაბარების აქტი. რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

5. ანგარიშსწორების ფორმა და ვადები

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და წარმოდგენილი საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება ხორციელდება 5.2. პუნქტით გათვალისწინებული პირობების შესაბამისად, არაუგვიანეს 20 (ოცი) კალენდარული დღის განმავლობაში.

6. მხარეთა ვალდებულებები

6.1. „მიმწოდებელი“ ვალდებულია:

6.1.1. განახორციელოს ხარისხიანი მომსახურება.

6.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.1.3. დაიცვას ხელშეკრულებით გათვალისწინებული ყველა პირობა.

6.2. „შემსყიდველი“ ვალდებულია:

6.2.1. უზრუნველყოს „მიმწოდებლის“ დაფინანსება წინამდებარე ხელშეკრულების 5.2. პუნქტით გათვალისწინებული „მიღება-ჩაბარების“ აქტისა და საგადასახადო ანგარიშ-ფაქტურის წარმოდგენიდან 20 (ოცი) კალენდარული დღის განმავლობაში.

6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.2.3. დაიცვას ხელშეკრულებით გათვალისწინებული ყველა პირობა.

7. მხარეთა უფლებები

7.1. "მიმწოდებელს" უფლება აქვს:

7.1.1. ხელშეკრულების ფარგლებში მოითხოვოს დროული და სრული დაფინანსება.

7.2. "შემსყიდველს" უფლება აქვს:

7.2.1. განაცხადოს უარი ხარვეზიანი მომსახურების მიღებაზე.

8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით, ომით, სტიქიური მოვლენებით, ეპიდემიით, კარანტინით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9. ხელშეკრულების პირობების და ფასების გადასინჯვა

9.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

9.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10. დავების გადაწყვეტა

10.1. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.

10.2. თუ შეთანხმება ვერ მოხერხდა, დავა გადაწყდება სასამართლოს გზით. მოქმედი კანონმდებლობით დადგენილი წესით.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან

დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ხელშეკრულების პირობების შეუსრულებლობა

12.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1 %-ის ოდენობით ყოველი ვადაგადაცილებული დღისათვის.

12.2. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების შეწყვეტა

13.1. ხელშეკრულება შეიძლება შეწყვეტილ იქნეს:

13.1.1. ურთიერთვალდებულებების შესრულებით;

13.1.2. მხარეთა შეთანხმებით;

13.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

14. ინსპექტირების პირობები

14.1. ხელშეკრულების შესრულების კონტროლს განახორციელებს შემსყიდველის მიერ საამისოდ უფლებამოსილი პირი.

14.2. კოორდინატორის ფუნქციებია:

14.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

14.2.2. სახელმწიფო შესყიდვების შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

15. დამატებითი პირობები

15.1. ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2015 წლის 31 დეკემბრის ჩათვლით.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. დასკვნითი დებულებები

17.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

17.2. მხარეთა შორის წერილობითი შეთანხმების საფუძველზე, წინამდებარე ხელშეკრულებაში შეიძლება შეტანილ იქნეს ცვლილებები და დამატებები.

17.3. ხელშეკრულება შედგენილია — გვერდზე, — (—) ეგზემპლარად და თითოეულ მათგანს თანაბარი იურიდიული ძალა აქვს.

17.4. ხელშეკრულების ერთი ეგზემპლარი ინახება 'მიმწოდებელთან' სამი ეგზემპლარი - „შემსყიდველთან“.

შემსყიდველი:

მიმწოდებელი:

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

(თანამდებობა, სახელი, გვარი)

(ხელმოწერა)

ფასების ცხრილი

(შეცვლის თარიღი)

მომსახურებას გთავაზობთ

_____ (_____) ლარად (დღგ.ს გარეშე).
(თანხა ციფრებით) (თანხა სიტყვიერად)

(პრეტენდენტის დასახელება)

საპროექტო მომსახურების ღირებულება შეადგენს: ----- ლარს

საპროექტო ზედამხედველობის ღირებულება შეადგენს: ----- ლარს

პრეტენდენტის ხელმოწერა _____